

清代學術名著叢刊

故司馬氏世主天官

案此天官非周禮天官，蓋指天官而言。司馬氏世主天官，蓋指天官而言。司馬氏世主天官，蓋指天官而言。

會哉欽念哉罔羅天下故失舊聞

王述所與原始終見盛觀衰論考之行

事略推三代錄秦漢上記軒轅下至于茲著十

二本紀既科條之矣並時異出年差不明作十

表易兵權山川鬼神

八書二十八宿環北辰三十幅共一轂

道以奉主上作三千世家扶義倣儻不令己失

時立功名於天下

七十列傳凡百三十篇五十二萬六千五百字

〔清〕錢大昕 著 方詩銘 周殿傑 校點

廿二史考異

下

上海古籍出版社

K204. 1
15
V2

014042092

清代學術名著叢刊

故司馬氏世主天官

素隱曰案此天官非周禮天官

官且蓋實終之後如魯氏後亦應屬重然以重本司天故太史公代掌天官蓋天官說太史之職言史用歷代之職恐非實事然尚宏以為司馬氏周史侯之後故大至於余乎欽

念哉欽念哉問羅天下放失舊聞

有案曰案此天官非周禮天官

王述所與原始終然見盛觀衰論考之行

事略推三代錄秦漢上記軒轅下至于茲著十

二本紀既科條之矣並時異出年差不明作十

表則今時之難以前辨故代表禮樂損益律歷改

易兵權山川鬼神

天人之際承敝通變作

入書二十八宿環北辰三十幅共一轂

運行無窮輔排股肱之臣配焉忠信行

道以奉主上作三千世家扶義報德不令己失

時立功名於天下

七十列傳凡百三千篇五十二萬六千五百字

下

廿二史考異

〔清〕錢大昕 著 方詩銘 周殿傑 校點

上海古籍出版社



K204.1
15
V2



北航

C1731190

卷五十六

唐書十六

忠義傳一

有詔差爲二等，增至百八十七人。

此功臣百八十七人，史無專傳者，劉正臣、見劉梧傳、任雅相、見宰相表。

陸敦信、見宰相表、陸德明傳。

趙仁本、見趙儼傳、王德真、見宰相表、安興貴、見李軌傳、安修仁、同上、杜君綽、

鄭仁恭、見高宗紀，作「仁泰」。

獨孤彥雲、牛進達、見太宗紀、周護、沈叔安、翟無言、見武后紀、趙承恩、同上。

裴思諒、見中宗紀、楊執一、見楊執柔傳。

薛思行、見武后紀、薛崇簡、見太平公主傳、李延昌、馮道力、崔諤之、

見崔知溫傳、許輔乾、薛景仙、見肅宗紀。

尚衡，同上。凡二十五人。

荊州都督懷寧郡公杜君綽

唐會要，謚曰襄。今醴泉縣有君綽碑。

代州都督同安郡公鄭仁恭

高宗紀、唐會要皆作「仁泰」。

潭州都督吳興郡公沈叔安

唐會要，贈荊州大都督，謚曰定。

忠義傳三

黃碭

爲漳州刺史，徙婺州，治有績。劉漢宏遣兵攻之，兵寡不可守，棄州去。

按：僖宗紀中和四年，

婺州將王鎮執其刺史黃碣，叛附於董昌。此傳云棄去，則碣未嘗被執也。

孝友傳

李知本 開元中，孫瑒爲給事中、揚州刺史。唐會要有贈魯郡都督趙郡公李瑒，謚曰孝，豈即其人乎？

隱逸傳

賀知章 越州永興人。按：舊史，知章爲太子洗馬，德仁之族孫。德仁名在文苑傳，似可合爲一篇。

陸龜蒙 光化中，韋莊表龜蒙及孟郊等十人，皆贈右補闕。按：唐摭言載韋莊奏請追贈不及第人近代

者，孟郊、李賀、皇甫松、李羣玉、陸龜蒙、趙光遠、李甘、溫庭皓、劉德仁、陸逵、傅錫、平曾、賈島、劉稚珪、顧邵孫、沈珮、顧蒙、羅鄴、方干，凡十九人。

循吏傳

韋丹 封咸陽郡公。〔咸陽當作武陽〕。

韋宙 宙在嶺南，以從女妻小校劉謙。或諫止之，宙曰：「吾子孫或當依之。」謙後以功爲封州刺史，生

二子，即隱、襲。此事又見劉知謙傳，本名知謙，而云謙者，疑後人避漢祖諱去之。

儒學傳一

文宗定五經，鑲之石，張參等是正訛文。參代宗時人，非文宗時。

陸德明 子敦信，終大司成。唐會要，贈原州都督，謚曰康。

谷那律 孫倚相，仕爲秘書省正字。文藝傳，富嘉謨、吳少微、谷倚稱「北京三傑」，即此人也。

蕭德言 謚曰博。唐會要，謚曰密。

儒學傳二

路敬淳

唐初姓譜學，唯敬淳名家，其後柳沖、韋述、蕭穎士、孔至各有撰次。

此語又見柳沖、孔至傳。

柳沖

李守素亦明姓氏，時謂「肉譜」者。

肉譜語又見守素傳，談嘲之詞，何必數見乎！

應劭有氏族一篇。

按：應氏風俗通義本有氏族篇，廣韻亦屢引之。今本無此篇，蓋非完書。

儒學傳三

元行沖

少孤，養於外祖司農卿韋機。

疑即弘機，避諱，省上一字。

陸堅

有詔起復，遣中官敦諭，不就。

「有詔」之上當有「親喪」字。

鄭欽說

初，梁太常任昉大同四年七月於鍾山壙中得銘。

按：梁書，昉卒於天監七年，年四十有九。

若大同四年歲在戊午，在天監戊子後三十年。此小說家無稽之說，而史家採之，可謂不學矣。

陳京

司馬晉以高皇、太皇、征西四府君爲別廟。

按：晉初追尊宣帝以上四親，所謂征西、豫章、潁川、

京兆四府君也，曷嘗有「高皇」、「太皇」之稱乎。

詳其文義，則「司馬晉」之上當有「曹魏」二字。魏明

帝嘗追尊武帝父嵩爲太皇帝，祖騰爲高皇帝也。

魏以武帝爲太祖，而高皇、太皇在別廟；晉以宣帝爲

太祖，而征西四府君在別廟，正同一例。

若世祖，則春秋所謂「陳於太祖」者。

按：春秋無此文。舊禮儀志載此議，本云「代祖即世祖。神主，則

太祖已下毀廟之主，公羊傳所謂「已毀廟之主，陳於太祖」者是也。」詞意甚明白，新史所不逮也。

故有連王廟之制。「王廟」當作「五廟」，下文同。

文藝傳一

袁朗 典籤蘇幹 按：「蘇幹傳云：『父勛，武德中爲秦王諮議典籤、文學館學士。』又褚亮傳載秦府十八學士，亦有蘇勛，而無蘇幹，則「幹」乃「勛」字之訛。

王勃 卒，年二十九。 楊盈川撰勃文集序云，春秋二十有八，卒於上元三年八月。

文藝傳二

李白 年六十餘。 按：曾鞏撰次白詩集序云，白卒年六十有四。

蕭穎士 殷寅者，陳郡人。寅即踐猷之子，已見儒學傳。

文藝傳三

李賀 卒，年二十七。 此據杜牧所撰詩集序也。李商隱爲賀小傳，則云生二十四年。

吳武陵 信州人。 按：李紳傳：「始，澧人吳汝納者，韶州刺史武陵兄子也。」汝納既爲武陵兄子，而

一稱信州人，一稱澧人，疑有一誤。

李商隱 或言英國公世勛之裔孫。 馮養吾曰：「義山詩云：『我系本王孫。』」又云：「我家在山西。」山

西」即隴西也，蓋亦涼武昭王之後，非世勛裔也。

方技傳

張憬藏 裴光廷當作「庭」。當國，憬藏以紙大署「台」字投之。光廷曰：「吾既台司矣，尚何事？」後三日，

貶台州刺史。

按：光庭以開元十七年六月入相，二十一年三月薨，初無貶斥之事。後讀劉賓客嘉話

錄云：「中書令河東公開元中居相位，有張憬藏者，能言休咎，一日忽詣公，以一幅紙大書「台」字授公，公曰：『余見居台司，此意何也？』後數日，貶台州刺史。」李綽尚書故實亦具載斯事。兩書所稱河

東公者，張嘉貞也。新史乃以裴光庭當之，謬之甚矣。考嘉貞由中書令罷爲幽州刺史，其後雖貶台州，去作相之日久矣。小說家附會之說，不盡足信。

貶台州刺史「刺史」原作「長史」，據劉賓客嘉話錄改。

帥夜光 因九仙公主得召見。

公主傳未見有封九仙者。

列女傳

高愍女 父彥昭，贈陝州都督。

唐會要，贈工部尚書，謚曰愍。

外戚傳

武士讓之孫攸寧爲建昌王，攸歸九江王，攸望會稽王，士逸孫懿宗河內王，嗣宗臨川王，仁範河間王，仁範子載德潁川王，士稜孫攸暨千乘王，惟良子攸宜建安王，攸緒安平王，從子攸止恒安王，重規高平王。

今按宰相世系表，攸暨與攸寧皆懷道之子，與攸歸、攸止、攸望同爲士讓之孫，而傳獨以攸暨爲士稜孫，其可疑一也。表以仁範爲士逸子，重規與載德均爲仁範之子，傳則以仁範爲士逸孫，以重規爲惟良從子，其可疑二也。據表，惟良與懷運皆士讓之子，則攸宜、攸緒等亦士讓孫矣，傳不應別而言之。若以惟良名已見傳，故別叙惟良之子，則懷運名亦見傳，而攸歸等何以不云懷運之子？其可疑三也。據表，攸歸、攸止、攸望皆懷運子，傳或稱士讓孫，或稱惟良從子，似非同父昆弟，其可疑四也。文苑英華載宋之問爲武攸暨請降王位表，稱「臣亡兄攸寧屬續之夕，再受懇言，憂臣愚蒙，令臣退讓」，乃知攸寧、攸暨實親昆弟，攸寧又爲攸暨之兄，傳以攸暨爲士稜孫，固誤，表列攸暨於攸寧之前，亦非也。

宦者傳

唐制，內侍省官有內侍四，內常侍六，內謁者監、內給事各十，謁者十二，典引十八，寺伯、寺人各六。又有五局，一曰掖廷，主宮嬪簿最；二曰宮闈，扈門闌；三曰奚官，治宮中疾病死喪；四曰內僕，主供帳鑄燭；五曰內府，主中藏給納。局有令，有丞，皆宦者爲之。內侍省官已見百官志，此重出，可刪。

李輔國 以右武衛大將軍藥子昂代判元帥行軍司馬。

唐會要，子昂贈揚州大都督，謚曰忠。

酷吏傳

崔器 三日卒。唐會要，謚曰貞。

藩鎮魏博傳

田承嗣 加同中書門下平章事，封雁門郡，寵其軍曰天雄。

按：舊書承嗣傳無寵其軍曰天雄之文；

方鎮表亦不載，至天祐元年，始云賜魏博節度號天雄軍節度。然則昭宗以後乃有天雄軍號，謂田承嗣時已有之者，非也。舊書羅紹威傳稱文德初充天雄軍節度副使，文德紀元在天祐之前，恐亦追稱之。

田悅 建中二年，鎮州李惟岳、淄青李納求襲節度，不許；悅爲請，不答，遂合謀同叛。

按：李惟岳

傳：「實臣死，軍中推爲留後，求襲父位，帝不許。田悅爲請，不聽。遂與悅、李正己謀拒命。」又李正

己傳：「建中初，聞城汴州，乃約田悅、梁崇義、李惟岳偕叛。」是李正己未死之前，已與悅偕叛，非因子

納求襲鎮不許而始叛也。考德宗紀，田悅反在建中二年正月；李正己卒，其子納自稱留後，在是年八

月。以是推之，悅未叛以前，但爲惟岳請襲，未嘗爲納請明矣。

藩鎮盧龍傳

李載義 大和四年，爲兵馬使楊志誠所逐。

按：文宗紀在大和五年正月，舊紀、傳亦作五年，此誤。

藩鎮澤路傳

劉悟 卒，贈太尉。

唐會要，謚襄武。

突厥傳

右賢王阿史那泥孰，蘇尼失子也。始歸國，妻以宗女，賜名忠。

上文云阿史那忠爲左賢王，阿史那泥孰

爲右賢王，則忠與泥孰非一人矣。此乃云泥孰賜名忠，何其相矛盾也！

吐蕃傳

天寶元年，隴右節度使皇甫惟明破虜大嶺軍，戰青海，破莽布支，斬首三萬級。明年，破洪濟城。戰石堡，不克，副將諸葛誦死之。

按：玄宗紀天寶元年十二月，隴右節度使皇甫惟明及吐蕃戰於青海，敗之；二年四月，皇甫惟明克吐蕃洪濟城；四載八月，皇甫惟明及吐蕃戰於石堡城，副將諸葛誦死之。是石堡之役在破洪濟之後二年，傳合爲一事，誤矣。紀云諸葛誦，而傳云諸葛誦，未知孰是。

回鶻傳

東北俱羅勃爲燭龍州。

地理志，燭龍州，貞觀二十二年析瀚海都督之掘羅勿部置。「掘」與「俱」、

「勿」與「勃」，音相近也。

沙陀傳

王仙芝陷荆、襄，朝廷發諸州兵討捕。國昌遣劉遷統雲中突騎逐賊，數有功。

按：國昌以咸通十四年

拒命，朝廷遣太原、幽州諸軍討之。

王仙芝陷荆、襄在乾符四年，其時國昌父子尚未歸命，安得有遣突

騎逐賊之事乎？考舊唐書，是年賊陷江陵之郛，楊知溫求援於襄陽，時沙陀軍五百騎在襄陽，軍次荆門，騎軍擊賊，敗之。蓋沙陀軍別有從征襄陽者，非國昌所遣也。

光啓元年，幽州李可舉、鎮州王景崇。按：景崇以中和三年卒，子鎔繼之。光啓改元之際，鎮州帥乃王鎔，非景崇也。

南蠻傳

元和中，辰、淑蠻酋張伯靖聚衆叛，黔中經略使崔能、荆南節度使嚴綬、湖南觀察使柳公綽討之，三歲不能定。按：本紀，同時討伯靖者，尚有劍南東川節度使潘孟陽，傳失載。

姦臣傳

李義府 貞觀中，高士廉、韋挺、岑文本、令狐德棻修氏族志，凡升降，天下允其議。於是州藏副本，以爲長式。時許敬宗以不載武后本望，義府亦耻先世不見叙，更奏刪正，委孔志約、楊仁卿、史玄道、呂才等定其書，以仕唐官至五品，皆昇士流。於是兵卒以軍功進者，悉入書限，更號姓氏錄。搢紳共嗤斬之，號曰「勳格」。義府奏悉收前志燒絕之。此事已見士廉傳。

贈義府揚州大都督。

唐會要，謚曰成。

盧杞 詔拜饒州刺史，給事中袁高當行詔書，不肯草，白宰相曰：「杞反易天常，使萬乘播遷，幸赦不誅，又委大州，失天下望。」宰相不悅，乃召它舍人作制，高固執不得下。此事已見高傳，雖應兩見，不必又述其語也。

崔昭緯 以戶部侍郎同中書門下平章事，居位凡八年。

按：宰相表及本紀，昭緯以大順二年辛亥正月

拜相，至乾寧二年乙卯八月罷爲右僕射，居位實不滿五年。

叛臣傳

僕固懷恩 以僕骨歌濫拔延爲右武衛大將軍、金微都督，訛爲僕固氏。生乙李啜，乙李啜生懷恩。

鶻傳以懷恩爲歌濫拔延之子，誤。

逆臣傳

黃巢 仙芝乃遣蔡溫球、楚彥威、尚君長來降。

進寇廣州，詒節度使李迢書，求表爲天平節度。

舊書僖宗紀作「蔡溫玉」。
舊書僖宗紀稱廣南節度使李巖。

修唐書史臣表

慶曆四年 甲申 樞密使賈昌朝建議修唐書。 令館職日供唐書所未載者 二事，附於本傳。	提舉官	刊修官	編修官
五年 乙酉 五月四日，詔開局修唐書。	賈昌朝 五月，以工部侍郎、平章事兼樞密使充提舉官。	王堯臣 五月，以翰林侍讀學士、龍圖閣直學士、右議議大夫同刊修。 宋祁 五月，以翰林侍讀學士、龍圖閣直學士、右議議大夫同刊修。 張方平 五月，以翰林學士同刊修。	曾公亮 五月，以樞密院外郎、集賢校理、天章閣待講充以教不局。 趙師民 五月，以宗正丞、崇文院檢討兼天章閣待講充未到局。 何中立 五月，以殿中丞、集賢校理充、開封府幕亦不人局。

(續表)

	提舉官	刊修官	編修官
六年 戊丙	昌朝	楊察 五月以知制誥同刊修 趙堅 五月以知制誥同刊修。尋請守蘇州。不入局。 余靖 五月以知制誥、直學士同刊修。尋出知吉州。按：趙、徐二人，編不載。 謝安 謝安	范鎮 五月以大理寺丞、館閣校勘充。 邵必 講充以目疾辭不到局。直學士。 宋敏求 五月以校書郎充。九月，復館閣校勘。按：東坡事見謂宋敏求，范鎮在局一十七年，敏求十年。今據《宋史》敏求與鎮并命，中間未除外任，似不止十年也。
七年 亥丁	昌朝 三月，罷相。判大名府。 丁度 六月以工部侍郎、參知政事充提舉官。	堯臣 正月，除承旨兼翰林學士充幕僚。 方平 正月，以右議大夫權御史中丞。十一月復為翰林學士。 察 正月，自右正言知制誥遷翰林學士。	鎮 以直學士充。按：事見《宋史》。 王疇 以太常博士充。按：東坡事見《宋史》。 敏求 以直學士充。按：事見《宋史》。

八年 子戊	皇祐元年 丑己	二年 寅庚
度 四月，罷政事，以國文殿學士判尚書都省，提舉昭益。	度	度
祁 方平 六月，復以右諫議大夫、史館修撰除翰林學士。八月，出知澧州。	祁 六月，復為翰林學士、史館修撰，自同判修為判修官，遂獨秉筆。	祁 九月，以明堂恩，轉給事中，兼龍圖閣學士。
鎮 疇 敏求	鎮 疇 敏求 劉義叟 呂夏卿 以江寧充。按：以試大理評事、趙州推官充。二十六年詳八月年月。	鎮 疇 敏求 義叟 夏卿 除試秘書省校書郎，充石州軍事推官。右二人除官，見閣外制。

(續表)

三年 卯辛	度	提舉官	祁 三月。以集賢殿修撰出知亳州。詔就州修唐書。自德麟內外任。皆以史司自隨。	刊修官	鎮 疇 敏 義 夏 卿 求
四年 辰壬	度		祁 以禮部待郎改知咸德庫。		鎮 疇 敏 義 夏 卿 求 聞加直學未詳年月。
五年 巳癸	度 劉沆 辛正月 以工部待郎參知政事充提舉官。		祁 正月。改知定州。		鎮 疇 敏 義 夏 卿 求 除開封府推官。未詳年月。

至和元年
甲午

七月，詔刊修唐書官宋祁、
編修官范鎮等速上所修唐
書。

沆

八月，以前官
同平章事。

祁

遷翰林學士，吏部侍郎，
知開封府。

歐陽修

八月，自翰林學士，吏部郎中，
爲刊修官，以宰相劉敞薦也。

鎮

以起居舍人直學
問，歐陽修薦。

疇

除開封府推官。英、事
略云：和中，或即代，諫也。

敏求

義叟

轉著作佐郎。
未詳年月。

夏卿

轉秘書丞。
未詳年月。

沆

六月，轉兵
部侍郎。

二年
未乙

修祁

六月，除翰林侍讀學士，出知秦州。
七月，復留爲學士。八月，使契丹。

鎮

八月，奉
使契丹。

疇

遷開封府判官。
未詳年月。

敏求

義叟

夏卿

梅堯臣

以太常博士充。
未詳年月。

十月，歐陽修言，唐自武宗
以下，并無實錄，以傳記別
說考證虛實，尚慮闕畧，聞
西京內中省寺留司御史臺
及鑾和諸庫有唐朝至五代
以來奏牘案簿尚存，欲差
編修官呂夏卿詣彼檢討，
從之。

(續表)

	提舉官	刊修官	編修官
嘉祐元年 申丙	沆 出知應天府。 以戶部侍郎參知政事充提舉官。	修 祁 二月，使北還。閏二月，判太常寺。五月，知通進銀臺司。八月，權發遣三司公事。	鎮 八月，除戶部員外郎，兼侍御史，知雜事，固辭不受。十月，復起居舍人充樞密直學士。 除國子監直講。
二年 酉丁	堯臣	修 祁 正月，知禮部貢舉，轉右諫議大夫。	鎮 兼修起居注。 八月，以度支判官祠部郎中，直秘閣使契丹。 敏求 以太常丞，兼贊校理充同太常禮儀院事，以歐陽修副也。 夏卿 堯臣

三年
戊戌

堯臣
辛八月

曾公亮

十月，以禮部侍郎參知政事充提舉官。

四年
亥己

公亮

修 祁

六月，加龍圖閣學士。

祁

三月，以端明殿學士兼翰林侍讀學士、吏部侍郎，依劉餗例，攝除三司使，尋加龍圖閣學士。

修

二月，解開封府事，轉給事中。

鎮
三月，以起居舍人除知制誥。

嘯

敏求

義叟

夏卿

堯臣

鎮

轉禮部郎中。

嘯

除刑部郎中、知制誥，權判吏部，見前。

敏求

義叟

夏卿

堯臣

十二月，進給事中，有詔獎諭，轉都官員外郎。